

CYNGOR SIR CEREDIGION

Adroddiad i'r:	Cabinet
Dyddiad y Cyfarfod:	6 Mehefin 2023
Teitl:	Agoriad Swyddogol y Ganolfan Lles, Llanbedr Pont Steffan
Pwrpas yr adroddiad:	Enwebu person priodol i agor y Ganolfan Lles yn Llanbedr Pont Steffan yn swyddogol
Er:	Penderfyniad
Portffolio Cabinet ac Aelod Cabinet:	Y Cyngorydd Catrin M S Davies, Aelod Cabinet ar gyfer Diwylliant, Hamdden a Gwasanaethau Cwsmeriaid

Mae'r Ganolfan Lles, Llanbedr Pont Steffan wedi'i datblygu a'i hariannu drwy grant Rhaglen Cymunedau Dysgu Cynaliadwy Llywodraeth Cymru gwerth £1.24 miliwn.

Bydd dull graddol o agor yr adeilad i'r cyhoedd, gan ddechrau gyda'i gynnig gweithgarwch corfforol a hamdden ym mis Mehefin 2023 gyda gwasanaethau ychwanegol y Cyngor ar draws y rhaglen Gydol Oed a Llesiant ar gael dros y misoedd nesaf.

Y bwriad yw cynnal seremoni agor swyddogol ym mis Medi 2023 a gofynnir i'r Cabinet enwebu person priodol i agor y Ganolfan Lles yn swyddogol.

	Oes	Asesiad	Effaith	Oes
	Integredig wedi ei gwblhau?			
	Os na, esboniwch pam			
	Crynodeb:			
	Hirdymor:	Cadarnhaol: Sicrhau bod y cyfleusterau Hamdden yn cael eu rheoli a'u cynnal a'u cadw mewn modd cost-ffeithiol a chynyddu eu cyfraniad at flaenoriaethau corfforaethol		
Llesiant Cenedlaethau'r Dyfodol:	Cydweithio:	Cadarnhaol: gweithio gydag eraill o wasanaethau statudol a gwirfoddol		
	Cynnwys:	Cadarnhaol: Ymgysylltu â gwasanaethau mewnol ac allanol a'r cyhoedd i sicrhau mai'r gwasanaethau a ddarperir yw'r hyn sydd ei angen		
	Atal:	Cadarnhaol: Datblygu gwasanaeth ymyrryd ac atal yn gynnar fel rhan o'r Rhaglen Llesiant Gydol Oed		
	Integreiddio:	Cadarnhaol: Mabwysiadu ffordd gyfannol ac integredig o weithio		

Argymhelliad / Argymhellion:	Enwebu person priodol i agor y Ganolfan Lles yn swyddogol
Rheswm / Rhesymau dros y penderfyniad:	Cytuno i wahodd person priodol i agor y Ganolfan Lles yn swyddogol
Trosolwg a Chraffu:	Amherthnasol
Fframwaith Polisi:	Dim
Amcanion Llesiant Corfforaethol:	Creu cymunedau gofalgar ac iach
Goblygiadau Cyllid a Chaffael:	Dim
Goblygiadau cyfreithiol:	Dim
Goblygiadau staffio:	Dim
Goblygiadau eiddo / asedau:	Dim
Risg(iau):	Methiant i gwrdd â disgwyliadau cyhoedduswydd grant y Rhaglen Cymunedau Dysgu Cynaliadwy
Pwerau Statudol:	Amherthnasol
Papurau Cefndir:	Canllawiau cyhoedduswydd ar gyfer Rhaglen Cymunedau Dysgu Cynaliadwy
Atodiadau:	Atodiad A: Canllawiau cyhoedduswydd ar gyfer Rhaglen Cymunedau Dysgu Cynaliadwy
Swyddog Arweiniol Corfforaethol:	Greg Jones, Swyddog Arweiniol Corfforaethol: Porth Cymorth Cynnar (Dros dro)
Swyddog Adrodd:	Carwyn Young, Rheolwr Corfforaethol: Canolfannau Lles
Dyddiad:	30 Mai 2023



Canllawiau cyhoeddusrwydd ar gyfer Rhaglen Cymunedau Dysgu Cynaliadwy

Cyhoeddusrwydd ar gyfer y Rhaglen Cymunedau Dysgu Cynaliadwy

Mae'r ddogfen hon yn darparu canllawiau cyhoeddusrwydd ar gyfer gwybodaeth a ryddheir yn ymwneud a'r Rhaglen Cymunedau Dysgu Cynaliadwy. Mae'n cynnwys brandio, datganiadau i'r wasg a datganiadau cydnabyddiaeth allweddol.

Brandio

Rheolau o ran brandio a logos

Os yw eich prosiect wedi'i ariannu'n gyfatebol gan y Rhaglen Cymunedau Cynaliadwy ar gyfer Dysgu neu unrhyw gynlluniau grant arian cyfalaf cysylltiedig megis grantiau cyfrwng Cymraeg, Gofal Plant, Canolfannau Cymunedol a Maint Dosbarthiadau Babanod, **rhaid** iddynt gadw at ganllawiau. Eich cyfrifoldeb chi yw sicrhau bod yr holl contractwyr a noddwyr prosiectau sy'n gysylltiedig â'ch prosiectau yn cadw at ganllawiau brandio ar gyfer y rhaglen hon **fel y cytunwyd yn eich contract ariannu prosiect**. Oherwydd, mae'n ofynnol i bob contractwr prosiect a noddwr arddangos logo'r Rhaglen a logo Llywodraeth Cymru ar bob arwydd a datganiad i'r wasg. **Mae hwn yn un o amodau'r grant a gall fod yn destun adfachu.**

Dyma logo'r Rhaglen:



Dyma logo Llywodraeth Cymru:



Llywodraeth Cymru
Welsh Government

Os yw logo'r Rhaglen a logo Llywodraeth Cymru yn cael eu defnyddio ar eich gwefannau, byddai'n dda o beth cael dolenni at adran y Rhaglen Cymunedau Dysgu Cynaliadwy ar wefan Llywodraeth Cymru, sef <https://llyw.cymru/rhaglen-cymunedau-dysgu-cynaliadwy> a www.llyw.cymru.

Ni chaniateir newid, ail-luniadu na thocio unrhyw logos a ddefnyddir mewn unrhyw ffordd gan fod hyn yn amharu ar effaith ac ansawdd y logo.

Mae'r logos ar gael yn y fformatau canlynol:

JPG ar gyfer cyhoeddi bwrdd gwaith (MS Word, PowerPoint, etc.)

EPS neu **TIFF** ar gyfer argraffu o ansawdd uchel

GIF, JPG neu **PNG** ar gyfer y we.

Dylid gwneud cais am logos i cymunedaudysgucynaliadwy@llyw.cymru

Maint a geiriad logo

Wrth atgynhyrchu logo'r Rhaglen Cymunedau Dysgu Cynaliadwy rhaid bod yr ansawdd yn foddhaol pan gaiff ei chwyddo, a bod modd ei ddarllen yn glir pan gaiff y logo ei wneud yn llai. Y maint lleiaf sy'n cael ei ganiatáu yw 63mm x 13mm (echelinau x ac y).



Hysbysfyrddau a phlaciau logo

Yn ystod y cyfnod adeiladu, **rhaid** codi hysbysfyrddau a phlaciau dwyieithog sy'n cydnabod pob ffynhonnell ariannu ar bob safle seilwaith neu safle adeiladu sy'n gysylltiedig â phrosiectau sy'n cael nawdd gan y Rhaglen Cymunedau Dysgu Cynaliadwy.

Wrth arddangos logos rhaid dilyn y meini prawf canlynol.

- Dylid defnyddio logo'r Rhaglen Cymunedau Dysgu Cynaliadwy a logo Llywodraeth Cymru.
- Dylent fod yr un mor amlwg ag unrhyw logo gan bartner ariannu arall.

Wrth benderfynu ar y geiriad ar gyfer placiau, cofiwch y canlynol:

- Mae angen bod plac yn adrodd y stori, felly meddyliwch am y neges rydych chi eisiau ei chyfleu (ydy'r plac yn cydnabod cyllid? Ydy'r plac yn gofnod o seremoni agoriadol? Efallai fod y plac yn gwneud y ddau beth hyn? Ydy'r plac yn cynnwys enw'r prosiect? Pwy sydd ynghlwm ag ef? Y dyddiad?)
- Mae angen cyfleu'r neges yn glir, yn syml a bod yn ffeithiol yn unig.
- Dylid sicrhau bod y testun Cymraeg yn cael ei roi mewn man ar y plac fel ei fod yn debygol o gael ei ddarllen yn gyntaf.

Os bydd Gweinidog yn cael gwahoddiad i ddatguddio plac, dylid sicrhau bod swyddfa'r Gweinidog perthnasol yn ymwybodol ac yn cael cyfle i wneud sylwadau.

Dylid ysgrifennu dyddiadau gan ddilyn y patrwm 01 Ionawr 2017 yn Gymraeg a 01 January 2017 yn Saesneg. Peidiwch â defnyddio 'af', 'ail', 'ydd', 'ed', 'eg', 'fed' neu 'ain' yn Gymraeg. Peidiwch â defnyddio 'st', 'nd', 'rd', na 'th' yn Saesneg.

Ar gwblhau'r prosiect, dylid codi arwydd neu blac dwyieithog parhaol, yn cydnabod yn ffurfiol gyfraniad Llywodraeth Cymru a'r Rhaglen Cymunedau Dysgu Cynaliadwy. Rhaid anfon fersiwn ddrafft at swyddogion Llywodraeth Cymru i'w chymeradwyo.

Enghraifft o arwydd safle

(defnyddio logo newydd ar arwyddion presennol)



Enghraifft o blac

(defnyddio logo newydd ar arwyddion presennol)



Sylw yn y wasg

Datganiadau i'r wasg

Mae datganiadau i'r wasg yn ffordd bwysig o gysylltu â'r cyfryngau a chyfleu negeseuon i'r cyhoedd yn gyffredinol.

Rhaid i bob datganiad i'r wasg, erthygl a hysbyseb olygyddol am brosiect neu fuddiolwr (e.e. cyhoeddi bod prosiect wedi'i gymeradwyo, digwyddiad lansio, cyrraedd cerrig milltir) gydnabod yr arian a gafwyd gan Lywodraeth Cymru ac yn benodol y Rhaglen Cymunedau Dysgu Cynaliadwy. Cyfrifoldeb yr awdurdod lleol/sefydliad addysg bellach yw sicrhau bod pob datganiad i'r wasg, gan gynnwys y rheini a gaiff eu cynhyrchu gan gontractwyr a noddwyr y prosiect, yn cydnabod yn glir y cymorth a gafwyd gan Lywodraeth Cymru.

Mae'n hanfodol bod noddwyr prosiectau a Llywodraeth Cymru yn gweithio gyda'i gilydd i sicrhau bod pob parti yn cael ei gydnabod yn llawn. Rhoddir enghraifft o ddatganiad i'r wasg yn yr Atodiad. Hefyd, rhoddir enghreifftiau o ddatganiadau y dylid eu cynnwys isod.

- Mae'r prosiect hwn wedi cael arian cyfatebol gan Lywodraeth Cymru drwy ei Rhaglen Cymunedau Dysgu Cynaliadwy.
- Bydd y prosiect, gyda nawdd o £** miliwn o Rhaglen Cymunedau Dysgu Cynaliadwy Llywodraeth Cymru, yn helpu i...
- Mae'r prosiect yn cael 65/75/85% o arian cyfatebol gan Lywodraeth Cymru drwy ei Rhaglen Cymunedau Dysgu Cynaliadwy.
- Mae'r pecyn ariannol £2.3 biliwn yn rhan o'r ail don o brosiectau Cymunedau Dysgu Cynaliadwy a gaiff eu cwblhau dros y blynyddoedd i ddod.
- Nod y Rhaglen Cymunedau Dysgu Cynaliadwy yw trawsnewid profiad dysgu dysgwyr, gan sicrhau eu bod yn cael eu haddysgu mewn ystafelloedd dosbarth sydd a'r technolegau a'r cyfleusterau gofynnol i allu cyflwyno Cwricwlwm i Gymru.

I fonitro'r gofyniad hwn, rhaid anfon pob datganiad drafft i'r wasg mor gynnar â phosibl cyn ei gyhoeddi, at dîm y Rhaglen Cymunedau Dysgu Cynaliadwy sef **cymunedudysgucynaliadwy@llyw.cymru**, yn unol â'r llythyr a gawsoch yn dyfarnu'r grant ar gyfer eich prosiect.

Bydd y trefniant hwn hefyd yn caniatáu inni ystyried cynnwys dyfyniad gan Weinidog a/neu drefnu i Weinidog fod yn bresennol mewn digwyddiad, yn ogystal â'n galluogi o bosibl i gyfrannu at y gwaith o drefnu digwyddiad. Bydd hefyd yn sicrhau ein bod yn gallu manteisio i'r eithaf ar unrhyw gyhoeddusrwydd mewn perthynas â digwyddiadau, llwyddiannau prosiectau a cherrig milltir/astudiaethau achos drwy hyrwyddo storïau ar wefan Cymunedau Dysgu Cynaliadwy, a chael sylw o bosibl yn rhanbarthol, yn genedlaethol neu yn rhyngwladol.

Fel rhan o'ch datganiad i'r wasg, dylech fanylu ar y budd a ddaw i'r gymuned yn sgil y prosiect/ei agweddau gwireddu budd, e.e. gwella sgiliau, creu swyddi, gwasanaeth addysg a chymorth i fusnesau.

Lle bo'n bosibl, dylech gynnwys astudiaethau achos gyda chyhoeddiadau am ariannu prosiectau neu adroddiadau ar lwyddiannau i ddangos sut bydd y prosiect yn dod a budd i bobl; busnesau; cymunedau; ac amgylchedd Cymru. Mae defnyddio storïau am bobl yn ffordd bwerus o gyfleu'r neges am y budd a geir drwy gyllid cyfalaf ac mae'n ei gwneud yn fwy tebygol y caiff y prosiect sylw ar y cyfryngau/yn y wasg.

Ymweliadau gan Weinidogion, digwyddiadau lansio

Rhaid hysbysu tîm Rhaglen Cymunedau Dysgu Cynaliadwy cyn gynted ag y bo modd am unrhyw ddigwyddiadau, ymweliadau neu gerrig milltir allweddol mewn perthynas â phrosiectau ysgol sy'n cael nawdd cyfalaf, e.e. seremoni gosod y garreg gopa/torri'r dywarchen gyntaf, agoriad swyddogol, digwyddiadau'n gysylltiedig â phrosiect y contractwr, cynlluniau a threfniadau lansio.

Mewn llawer o achosion, efallai y bydd un o Weinidogion Llywodraeth Cymru yn awyddus i ddod i ddigwyddiad i lansio prosiect. Mae'n bosibl hefyd y byddant am drefnu ymweliad a'r prosiect wrth i'r gwaith fynd yn ei flaen er mwyn gweld sut mae'r cyllid yn cael ei ddefnyddio. Bydd y tîm yn gweithio gyda'r awdurdodau lleol i drefnu'r digwyddiadau hyn a phresenoldeb Gweinidog.

Byddem hefyd yn croesawu unrhyw ffotograffau neu astudiaethau achos o'ch prosiect rydych wedi cytuno i'w darparu yn unol â'r llythyr yn dyfarnu'r grant ar gyfer eich prosiect. Byddwn yn eu harddangos yn adran Rhaglen Cymunedau Dysgu Cynaliadwy ar wefan Llywodraeth Cymru er mwyn rhannu arferion da yn genedlaethol, ac efallai'n eu cynnwys mewn deunydd cyhoeddusrwydd corfforaethol gan Lywodraeth Cymru gyda'ch cydsyniad.

Y Gymraeg

Yn unol â Safonau'r Gymraeg, rhaid i unrhyw weithgarwch cyhoeddusrwydd yn ymwneud a'r prosiect fod yn ddwyieithog a rhaid iddo gydymffurfio a'r canllawiau ar ddefnyddio'r Gymraeg yng ngwaith cyfathrebu a marchnata Llywodraeth Cymru.

Cysylltwch â **contractaucyfathrebu@llyw.cymru** i gael copi o'r canllawiau hyn. Mae'r canllawiau hyn yn berthnasol i unrhyw raglenni a ariennir gan Lywodraeth Cymru.

Atodiad

Datganiad enghreifftiol i'r wasg

Pob ysgol a choleg newydd yng Nghymru i fod yn garbon sero-net

02/11/2021

Heddiw, mae Gweinidog y Gymraeg ac Addysg, Jeremy Miles, wedi cyhoeddi y bydd gofyn i bob adeilad ysgol a choleg newydd, pob gwaith adnewyddu mawr a phrosiectau estyn fodloni targedau **carbon sero-net o Ionawr 1 2022**.

Bydd yn ofynnol i adeiladau weithredu ar sail egwyddor carbon sero-net, sy'n golygu eu bod yn creu allyriadau carbon sero neu negyddol o ran ynni.

Hefyd bydd angen i'r genhedlaeth gyntaf o ysgolion a cholegau o dan y rheolau newydd sicrhau gostyngiad o **20%** yn lefel y carbon a gaiff ei allyrru gan y deunyddiau adeiladu a'r broses adeiladu, a bydd gostyngiadau pellach yn ofynnol yn y dyfodol, yn unol â chynlluniau ehangach y Llywodraeth Cymru o ran symud i gyfeiriad carbon sero-net.

Yn ogystal, bydd cynlluniau uchelgeisiol ar gyfer yr adeiladau arfaethedig newydd o ran bioamrywiaeth, teithio llesol a chyfleusterau gwefru cerbydau trydan.

Bydd y cyhoeddiad yn helpu'r Llywodraeth Cymru i gyflawni ei hymrwymiad i fod yn garbon sero-net erbyn **2050**.

Ymwelodd Jeremy Miles â safle ysgol gynradd newydd Llancarfan ym Mro Morgannwg. Disgwylir iddi gael ei chwblhau ddechrau **2022**, a hon fydd ysgol carbon sero-net gyntaf Cymru, â'i chyfleusterau ei hun i gynhyrchu ynni a storio batris ar y safle.

Dywedodd Jeremy Miles:

"Fe ddylen ni i gyd fod yn holi ein hunain pa gamau y gallwn ni eu cymryd i ddadwneud y niwed sy'n deillio o newid hinsawdd. Yn Llancarfan, rydyn ni eisoes yn darparu'r ysgol garbon sero-net gyntaf. Mae sicrhau bod adeiladau'r dyfodol yn gwneud cyfraniad positif yn gam pwysig y gallwn ni ei gymryd.

"Yn greiddiol i'n cwricwlwm newydd mae ein nod i gefnogi dysgwyr i fod yn ddinasyddion egwyddorol, gwybodys sydd wedi ymrwymo i gynaliadwyedd y blaned. Mae'n hanfodol ein bod yn gosod esiampl i bobl ifanc os ydyn ni i wireddu'r uchelgais hwn."

Dywedodd y Cyng Lis Burnett, Dirprwy Arweinydd Cyngor Bro Morgannwg ac Aelod Addysg ac Adfywio'r Cabinet:

"Rydyn ni'n eithriadol o falch o fod yn agor ysgol sero-net gyntaf Cymru yma yn y Fro.

"Mae newid hinsawdd yn her enfawr ledled y byd, ac yn un y mae'n rhaid inni i gyd weithredu i fynd i'r afael â hi. Ers datgan argyfwng hinsawdd yn 2019, rydyn ni wedi sefydlu Prosiect Sero, ein cynllun i'r Cyngor fod yn garbon-niwtral erbyn 2030. Mae'r adeilad hwn yn gam pwysig tuag at wireddu ein gweledigaeth.

"Mae wedi'i gynllunio nid dim ond i leihau ein hallbwn carbon, ond i gynnig amgylchedd dysgu o'r radd flaenaf lle gall cenedlaethau'r dyfodol ddysgu sut i leihau eu hallbwn hwythau."

Bydd y gofyniad carbon sero-net newydd yn rhan o raglen arloesol y Llywodraeth Cymru ar gyfer **Rhaglen Cymunedau Dysgu Cynaliadwy**. Gan weithio mewn partneriaeth ag awdurdodau lleol, Cymdeithas Llywodraeth Leol Cymru, colegau, Colegau Cymru a chyfarwyddwyr esgobaethol, cefnogwyd **180** o brosiectau hyd yma i greu ysgolion a cholegau newydd neu i'w gwella